

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), člana. 45. i 46. Zakona o pravobranilaštvu Kantona Sarajevo („Službene novine Kantona Sarajevo“ broj: 33/08-novi prečišćeni tekst,7/12, 44/16 i 45/21), te člana 38. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20), Općinski načelnik o b j a v l j u j e

## **JAVNI OGLAS ZA IMENOVANJE PRAVOBRANIOCA OPĆINE HADŽIĆI**

### **1. Pravobranioac Općine Hadžići ..... 1 (jedan) izvršilac**

Imenovanje se vrši na period od 4 (četiri) godine sa mogućnošću ponovnog imenovanja.

#### **Opis poslova:**

- Preduzima pravne radnje radi pravne zaštite imovine i imovinskih interesa pred sudovima i drugim organima, kao i u drugim slučajevima zaštite imovine i imovinskih interesa Općine kada je za to ovlašten Zakonom u kojim slučajevima Pravobranilaštvo ima položaj stranke u postupku; preduzima pravne radnje radi pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač odnosno suosnivač Općina, po zahtjevu osnivača, odnosno suosnivača; vrši poslove zastupanja Općine i javnih preduzeća i javnih ustanova i drugih pravnih lica čiji je osnivač, odnosno suosnivač Općina u svim sudskim i upravnim postupcima; daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Općine; daje pravno mišljenje prije zaključenja imovinsko-pravnih ugovora; vrši kontrolu zaključenih ugovora o otkupu stanova; daje mišljenja Općinskom vijeću u postupku raspolaganja gradskog građevinskog zemljišta; obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.

#### **Opći uslovi:**

- da je državljanin BiH,
- da je stariji od 18 godina,
- da ima opću zdravstvenu sposobnost za obavljanje poslova Pravobranilaštva,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objave upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
- da se protiv njega ne vodi krivični postupak,
- da nije osuđivan za krivično djelo koje predstavlja smetnju za imenovanje na upražnjenu poziciju,
- da nije član izvršnih tijela političke stranke.

#### **Posebni uslovi:**

- VSS, završen Pravni fakultet ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja,
- položen pravosudni ispit,
- iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima u trajanju

- od tri (3) godine nakon položenog pravosudnog ispita,
- posjedovanje najviših moralnih osobina za obavljanje službe pravobranioca.

**Uz prijavu kandidati su obavezni priložiti sljedeću dokumentaciju** (original ili ovjerenu kopiju):

- kraću biografiju sa adresom i kontakt telefonom, svojeručno potpisanu,
- diplomu o završenom Pravnom fakultetu,
- uvjerenje o položenom pravosudnom ispitu,
- uvjerenje o državljanstvu (ne starije od šest mjeseci),
- izvod iz matične knjige rođenih,
- uvjerenje o radnom iskustvu,
- uvjerenje da se protiv kandidata ne vodi krivični postupak (ne starije od tri mjeseca),
- uvjerenje da kandidat nije osuđivan za krivično djelo koje po zakonu predstavlja smetnju za zasnivanje radnog odnosa (ne starije od 3 mjeseca)
- ovjerenu izjavu kod nadležnog organa da kandidat nije otpušten iz državne službe kao rezultat disciplinske mjere na bilo kojem nivou vlasti u BiH u periodu od 3 (tri) godine prije dana objave upražnjene pozicije ili izjavu da nije radio u državnoj službi,
- ovjerenu izjavu kod nadležnog organa da kandidat nije obuhvaćen članom IX.I. Ustava Bosne i Hercegovine,
- ovjerena izjava kod nadležnog organa da kandidat ne vrši inokosnu funkciju niti je član izvršnog tijela političke organizacije, u skladu sa članom 26. stav 2. Zakona o pravobranilaštvu.

Imenovani kandidat će biti dužan dostaviti ljekarsko uvjerenje o zdravstvenoj sposobnosti prije preuzimanja dužnosti Pravobranioca Općine Hadžići.

Prijave sa traženim dokumentima o ispunjavanju uslova iz Javnog oglasa dostavljaju se lično ili poštom preporučeno u zatvorenoj koverti na adresu: Općina Hadžići, ul. Hadželi br.114, 71240 Hadžići sa naznakom "Prijava na Javni oglas za imenovanje Pravobranioca Općine Hadžići - NE OTVARAJ" u roku od 15 dana od dana posljednje objave oglasa.

Ovaj Javni oglas objavit će se u dnevnom listu „Oslobođenje“, "Službenim novinama Federacije Bosne i Hercegovine", oglasnoj ploči i na web stranici Općine Hadžići.

Kandidati sa liste s užim izborom biće pozvani na intervju pred Komisijom za izbor Pravobranioca Općine Hadžići.

Nepotpune i neblagovremene prijave neće se uzeti u razmatranje.

Broj: 03-30-2-8933/23  
Hadžići, 28.09.2023.godine

OPĆINSKI NAČELNIK

Hamdo Ejubović,dipl.ing.maš.